

生趣个數目字

合：大家好！

完妹：佢係完妹。

庭妹：佢係庭妹。

完妹：哎！恁久無看到，妳在該無閒麼个？

庭妹：佢這駁仔在做一个細細个研究，發現到在^個个生活中，
滿哪仔就有數目字。

完妹：麼个數目字？

庭妹：就係1、2、3、4、5、6、7、8、9、10

完妹：在哪位看得到這兜數目字？

庭妹：比將講，妳今年幾多歲數？

完妹：敗勢！歲數係細妹人个秘密，做無得講。

庭妹：好，佢再過來問妳，今晡日係禮拜幾？

完妹：禮拜四。

庭妹：這下幾多點？

完妹：（看一下手錶）十點十分。

庭妹：係毋係，時間裡肚就有數目字？

完妹：ㄟ～有影呢！聽起來妳正經對數目字有兜仔研究哦！

庭妹：當然呀！^個開嘴講話就係離毋開數目字，係無呀！根
本就無法度擘嘴講話。

完妹：該愛看麼人講話，係佢講話就絕對毋會帶著數目字。

庭妹：妳講話定著會帶著數目字

完妹：佢定著毋會！

庭妹：好了！莫再過拗了，^佢兩儕就來比賽，分大家來做裁判，好無？

完妹：做得呀！哼！佢講話絕對毋會帶著數目字。

庭妹：係妳贏，佢就請妳食咖啡。

完妹：無問題，佢講話假使有帶著數目字，算佢輸，佢乜請妳食咖啡。

庭妹：好！君子一言駟馬難追，講來就來。

完妹：好講笑，佢就毋相信佢講話會帶到數目字，講開始就開始。

庭妹：恁久好無？

完妹：好呀！

庭妹：若屋下人，好無？

完妹：吾屋下人恁多，妳係問麼人呀？

庭妹：若公好無？

完妹：好呀，身體當健喔！

庭妹：該佢幾大歲數了呀？

完妹：吾公今年……

庭妹：若公幾大歲數毋知了，係無？

完妹：吾公今年……古稀之年！

庭妹：哀哉！看毋出來妳恁有學問，還講得出「古稀之年」。

完妹：嘿嘿！（沙鼻个樣仔）

庭妹：該若婆呢？

完妹：吾婆……花甲之年。

庭妹：花甲之年，妳乜講得出來，算妳厲害。

完妹：這有什麼！

庭妹：講起來佢乜熟識異久了，做得去若屋下坐寮無？

完妹：好呀！歡迎。

庭妹：該僇愛坐幾多號个公車過去？

完妹：坐……

庭妹：坐……到底愛坐幾多號啊？

完妹：妳……妳坐計程車來好了。

庭妹：麼个呀！坐計程車？

完妹：係呀！

庭妹：好啦！該坐計程車僇愛準備幾多錢呀？

完妹：ㄟ……照跳表个，跳幾多就幾多。

庭妹：嘖嘖！妳正經講話全無沒帶到數目字呢！

怎樣看來係僇輸了，敢賭愛擔輸贏，僇就請妳食咖啡。

完妹：怎樣就敗勢囉！（伸手）

庭妹：（轉頭大喊）頭家，咖啡一杯！

要冰个還係燒个？

完妹：冰个。

庭妹：甜度要幾分？

完妹：七分！

庭妹：吼～七、七、七分！

完妹：啊！這乜算喔？

庭妹：妳講到數目字了喔！

完妹：正經有影呢！**佢**个生活中總係離不開數目字。

庭妹：係呀！佢還做得用數目字來形容妳喔！

完妹：講來聽看啲！

庭妹：妳啊！一事無成、兩手空空、三餐不繼、四肢無力、

五官毋正、六神無主、七孔流血……

完妹：誼、誼、誼……這敢係講佢？

庭妹：八九不離十！

完妹：吼～妳這係阿**譚**佢抑係講衰佢！

庭妹：妳大人有大量，同妳講笑个啦！還有，咖啡拿來……

完妹：吾兜个表演就到這，

合：恁仔細！

完妹：（氣呼呼離開…）

庭妹：（追上前）ㄟ～佢个咖啡…